



Peersjberiech

van 't Gruutsj en Hoeglöstig Prinsepaar 2013 van C.V. de Sjlaaibök-Amie



Karnevalsvereininging C.V. De Sjlaaibök maak gruutsj en mèt vól gemood bekind, dat op zaoterdag 5 jannewarie 2013, um 23.11 oor in 't 58^{ste} besjtaonsjaor, ten aanzien van 't nao vastenaovend verlangend Volk van Amie en umsjtreke is oetgerope en geïnstalleerd tot

Gruutsj en Hoeg Hoeglöstig Prinsepaar 2013 Prins Richard d'n Iersjte en Prinses Erna

De nuije Hoeglöstigheid van C.V. De Sjlaaibök-Amie en zien Prinses goon door 't leve es Richard en Erna Geerlings. Zie woene same mèt hun twee kinder; Maud en Robin in de Amgowabuurt (Walburg 23)

Prins Richard I is gebore in 1969 en zien Prinses Erna zaog in 1968 't levensleech. Wie zie mèt gezameleke vrun op sjtap ginge is de voonk tössje hun euvergesjlage. Al hōbbe veer oos laote vertèlle tot oze Hoeglöstigheid zien Prinses verseerd heit mèt 'n groete bos witte roeze!

Oos Hoeglöstig Prinsepaar heit de iersjte paar jaor van hun relasie gewoend in de hoofsjtraot. Um de kinder echter 'n rōstiger sjtraot te gunne zien zie daonao verhuis nao de Walburg (boe zie noe nog woene). Heij zin zie mèt hun kinder Maud en Robin gein oonbekinde. 'n paar jaor geleje is hun hoes zelfs al 's blaw wit verseerd. Toen vanwege 't feit tot hunne zoon Robin, Jeugprins van Amie waor.

Um te kos te verdene wèrke zie beide hiel hel. Heer zōrg d'r veur tot alle luij in Eijsden en umsjtreke kemissies kinne doon beej de Eijsdense Plus. Zien Prinses is wèrkzaam in de verpleging van 't AZM Ziekehoes.

Veur oos Prinsepaar is de Amiese Karneval (of eigelek alle Amiese feeskes) 'n good excuus um hun hoes te verlaote. Zie zin euveral van de partij. Veural gekostumeerde feeste is get boe oze Hoeglöstigheid mèt plezeer nao touw geit. Op zoe 'n daag is heer in sjtaot um ziech dreij kier per daag um te kleije. En es zien kleijer get "awwer" mōtte oetzien pak heer zich gewoen 'ne pot meil oet de keuke en sjōt dei euver ziech leig... Alles in 't belang van 'n sjiek pekske!

Dizze karnaval zal waal get andersj weure... Boe zie al jaore mèt doen mèt Sjlaaimettetreffe, Optoch, de organizasie van de kinderzittingskemissie of andere aktiviteite maoge zie dat noe vanoet 'n andere rol aansjouwe. Maar waal 'n rol boe beej zie 't sjiekste pekske van Amie maoge aan hōbbe; 't Prins en Prinsessepekske! 'n Pekske en rol die hun op 't lief gesjreve is!

De Sjlaaibök zien dan ouch gruutsj op dit fantastische Prinsepaar en weite zeker tot 't jaor 2013 de beuk in zal goon es 'n oonvergetelek Fees!

Oos Prinsepaar 2013 heit neet veur niks 't motto; Veer make van 2013 ein groet fees!

Hoeglöstigheid Richard d'n Iersjte regeert 't Amiese Riek in 2013 onder de volgende titelatuur:

**Prins Richard d'n Iersjte
58ste Prins van CV de Sjlaaibök oet Amie
Besjerremhier van alle kemissies van de Plus in Eijsden
Contramaitre van alle Optochwagele
Groet Agent maitre-chien van de Amiese Juup
Dessinatór van 't dook van 't Jeugprinsepaar
Incident specialist van d'n alternatieve tambour
Cuisinier preferer van d'n Amiese Barbeque
Participant unique van 't Amiese Sjlaaimettetreffe
Groet Ami van de Amgowabuurt en CV Laojemer
Regissäör de kostumier et dents special de Karnaval**

